

S-DU IAH-‘EN-GO SHÜ-SING. DI-SÆN-FONG. 使徒

約翰個書信 第三封

¹ Ngô lao-dzing-nying *sia sing* peh ts'ing-æ-go Kyüô-yiu, z ngô we-leh tsing dao-li sô æ-sih go. ² Ts'ing-æ-go hyüong-di, ngô dæn-nyün ng cü-z teh-i, sing-t'i k'ông-gyin, ziang ng weh-ling-go teh-i ka. ³ Keh-sing hyüong-di læ te-tsing ng. z *siang-sing* tsing *dao-li*, i-dzong gyi ka tso-nying ng z ting hwun-hyi. ⁴ Ngô t'ing-meng ngô-go ng-nô læ-tih i-dzong tsing *dao-li* tsæ m-yiu ka-go kw'a-lôh. ⁵ Ts'ing-æ-go hyüong-di ng væn-pah k'en-dæ cong hyüong-di teng keh-sing c'ih-meng nying go z-ken z tso-leh ting-hao; ⁶ gyi-lah tu z te-tsing ng-go jing-æ læ kyiao-we min-zin; Ng i Jing-ming-go *dao-li* song gyi-lah ky'i tsing-tsing z hao-go. ⁷ Gyi-lah z we-leh Cü-go ming-deo c'ih-meng, ih-ngæn feh do bih-koh nying-go tong-si. ^{[1]8} Keh-cong-ka nying ah-lah ing-kæ siu-liu gyi, hao dô-kô pông-dzu tsing *dao-li*. ^{[2]9} Ngô yi-kying *sia sing* peh kyiao-we; tsih-z iao-siang tso gyi-lah deo-nao Tiu-deh-fi feh-k'eng tsih-ziu ah-lah. ¹⁰ Sô-yi ngô ziah-z læ, pih-ding kyi-teh gyi sô tso go 'ang-we, z yüong ôh shih-wô sih-doh ah-lah; ping-ts'ia ka wa feh-keo, gyi-zi feh-k'eng siu-liu hyüong-di, k'eng siu-liu cü-kwu gyi wa iao kying-djü gyi, ken gyi c'ih kyiao-we. ¹¹ Ts'ing-æ-go hyüong-di m-nao 'ôh ǃa-ying, z iao 'ôh hao-ying. Tso hao go cü-kwu z c'ih-ü Jing-ming; tso ǃa go cü-kwu z m-neh k'en-kyin Jing-ming ko. ¹² Ti-mi-tiu-go hao 'ang-we cong-nying tu te-tsing gyi, tsing *dao-li* yia te-tsing gyi, ah-lah yi te-tsing gyi, ng-lah hyiao-teh ah-lah-go te-tsing z tsing-go.

¹ 我老成人寫信撥親愛個迦猶，是我爲了眞道理所愛惜個。² 親愛個兄弟，我但願爾諸事得意，身體康健，像爾活靈個得意介。³ 箇星兄弟來對證爾是相信眞道理，依從其介做人爾是頂歡喜。⁴ 我聽聞我個兒因來的依從眞道理再嚙有介個快樂。⁵ 親愛個兄弟，爾凡百看待衆兄弟等箇星出門人個事幹是做勒頂好。⁶ 其拉都是對證爾個仁愛來教會面前。爾依神明個道理送其拉去真正是好個。⁷ 其拉是爲了主個名頭出門，一眼弗馱別國人個東西。^{8[1]} 箇種介人阿拉應該收留其，好大家幫助眞道理。^{9[2]} 我已經寫信撥教會；只是要想做其拉頭腦丟特腓弗肯接受阿拉。¹⁰ 所以我若是來，必定記得其所做個行爲，是用惡說話褻瀆阿拉；並且介還弗夠，其自弗肯收留兄弟，肯收留主顧其還要禁住其，趕其出教會。¹¹ 親愛個兄弟，嚙得好學壞樣，是要學好樣。做好個主顧是出於神明；做壞個主顧是嚙得看見神明過。¹² 底米丟個好行爲衆人都對證其，眞道理也對證其，阿拉又對證其，爾拉曉得阿拉個對證是眞個。

[1] 原書此處缺編號 8

[2] 原書此處缺編號 9

¹³ Wa-yiu hyü-to z-ken hao sia, tsih-z feh iao yüong pih moh sia peh ng-lah; ¹⁴ z siang soh-soh læ kyin ng-lah te-k'eo kông-kông. Dæn-nyün ng bing-en. Keh-sing beng-yiu tu mông-mông ng. *Siang-væn* ng dæ ngô mông-mông *keh-deo* ko-tang-ko beng-yiu.

¹³ 還有許多事幹好寫，只是弗要用筆墨寫撥爾拉。¹⁴ 是想速速來見爾拉對口講講。但願爾平安。箇星朋友都望望爾。相煩爾代我望望箇頭個打個朋友。